

# Programmatic Cooperation Framework for Armenia, Azerbaijan, Georgia, Republic of Moldova, Ukraine and Belarus



## ԵՄ-Եվրոպայի խորհուրդ ծրագրային համագործակցության կառուցակարգում ընդգրկված ծրագրերի միջնաժամկետ արդյունքները

### Ի՞նչ է Ծրագրային համագործակցության կառուցակարգը

2014թ. ապրիլին Եվրոպական միությունը և Եվրոպայի խորհուրդը համաձայնվել են իրականացնել թիրախային համագործակցության միջոցառումներ ԵՄ Արևելյան գործընկերության երկրներին մոտեցնելու մարդու իրավունքների, ժողովրդավարության և օրենքի գերակայության եվրոպական ստանդարտներին: Ծրագրերն իրականացվում են 2015-2017թթ. Ծրագրային համագործակցության կառուցակարգի (ՕՀԿ) շրջանակներում: Ծրագրերը հիմնականում ֆինանսավորվում են ԵՄ կողմից, և Եվրոպայի խորհուրդը համաֆինանսավորում և իրականացնում է դրանք:

Բացի տասնչորս տարածաշրջանային ծրագրերից, **Հայաստանի համար կան չորս գերակա ծրագրեր**, որոնց **ընդհանուր բյուջեն կազմում է 2.2 միլիոն եվրո:**

### Առողջապահության և մարդու իրավունքների պաշտպանության ամրապնդումը Հայաստանի բանտերում

Ծրագրի տևողությունն է 2015թ. մարտի 1-ից մինչև 2017թ. փետրվար ամիսը: Ծրագրի բյուջեն կազմում է 900,000 եվրո: ([մանրամասն](#))

- ▶ Հրատարակվել է Հայաստանի Հանրապետության բանտերում առողջապահության գնահատման առաքելության [հաշվետվությունը](#):
- ▶ Մշակվել է «Հայաստանի Հանրապետության քրեակատարողական հիմնարկներում բժշկական ծառայությունների արդիականացման» մասին հայեցակարգը և առաջարկություններ ստանալու նպատակով շրջանառվել պետական մարմինների, քաղաքացիական հասարակության կազմակերպությունների և միջազգային փորձագետների շրջանում:
- ▶ Հայեցակարգում տեղ գտած առաջարկությունների հիման վրա փոփոխություններ են մշակվել Քրեակատարողական օրենսգրքում, Քրեական օրենսգրքում, Քրեական դատավարության օրենսգրքում, «Կալանավորված անձանց և դատապարտյալների բուժսանիտարական և բուժկանխարգելիչ օգնությունը կազմակերպելու, առողջապահական մարմինների բուժական հիմնարկներից օգտվելու և այդ նպատակով դրանց բժշկական անձնակազմին ներգրավելու կարգը հաստատելու մասին» ՀՀ կառավարության թիվ 825-Ն որոշման մեջ և կարծիքի համար ուղարկվել Արդարադատության նախարարություն:

- ▶ Մշակվել է քրեակատարողական 11 հիմնարկների բուժմասերի համար անհրաժեշտ բժշկական սարքավորումների ձեռքբերման ցանկը և դրանց տեխնիկական բնութագրերը, որոնք հաստատվել են Արդարադատության նախարարության կողմից և ներկայացվել մրցառքի խորհրդին՝ մրցույթի հայտարարությունը ս.թ. հոկտեմբերին հրապարակելու նպատակով:
- ▶ Մշակվել և վերանայվել է վերապատրաստման երկու դասընթաց՝ «Բանտերում առողջ ապրելակերպի խթանման ու հիվանդությունների կանխարգելմանն ուղղված գործողություններ» և «Հայաստանի քրեակատարողական հիմնարկների բժշկական և ոչ բժշկական անձնակազմի համար բժշկական էթիկա և մարդու իրավունքներ» թեմաներով:
- ▶ Ստեղծվել է 33 տեղացի դասընթացավարներից կազմված ցանց, որը կասկադային սեմինարներ կանցկացնի քրեակատարողական հիմնարկների բժշկական և ոչ բժշկական անձնակազմի համար՝ նախատեսվում է սկսել ս.թ. նոյեմբերին:

## Աջակցություն Հայաստանում քրեական արդարադատության համակարգի բարեփոխումներին և պայքար վատ վերաբերմունքի և անպատժելիության դեմ

Ծրագիրն իրականացվում է 2015թ. հուլիսից մինչև 2017թ. հուլիս: Ծրագրի բյուջեն կազմում է 500,000 եվրո: ([մանրամասն](#))

- ▶ Տրամադրվել է փորձագիտական աջակցություն՝ ՀՀ քրեական և քրեական դատավարության օրենսգրքերը, ինչպես նաև ՀՀ մարդու իրավունքների պաշտպանի մասին օրենքը, ՀՀ սահմանադրական դատարանի մասին օրենքը, ՀՀ դատախազության մասին օրենքը մարդու իրավունքների եվրոպական չափանիշներին համապատասխանեցնելու նպատակով:
- ▶ Արդարադատության ակադեմիայի համար պատրաստվել են չորս դասընթացներ՝ նախատեսված քննիչների համար հետևյալ թեմաներով.
  - Քրեական գործերով քննության ընդհանուր մեթոդաբանությունը
  - Խոշտանգման և վատ վերաբերմունքի վերաբերյալ հայտարարությունների քննությունը և կյանքի իրավունքին առնչվող գործերը
  - Խոցելի տուժողների/վկաների և կասկածյալների մասնակցությամբ գործերի քննությունը
  - Մինչդատական կալանքը և քրեական գործի քննության հարակից խնդիրները:
- ▶ Ձևավորվել է 22 մասնագետներից բաղկացած խումբ, ովքեր 2016թ.-ի հոկտեմբերին կսկսեն դասավանդել այս առարկաները Արդարադատության ակադեմիայում:
- ▶ Տպագրվել է Ապացույցների թույլատրելիության ձեռնարկ՝ նախատեսված դատախազների համար:

## Հայաստանի բարձրագույն կրթության համակարգում բարեվարքության ամրապնդման և կոռուպցիայի դեմ պայքարի մասին ծրագիր

Ծրագիրն իրականացվում է 2015թ. հունվարից մինչև 2016թ. դեկտեմբեր: Ծրագրի բյուջեն կազմում է 400,000 եվրո: ([մանրամասն](#))

- ▶ Ծրագրի շրջանակներում ներմուծվել է էթիկայի կանոնների մոդել Հայաստանի բարձրագույն ուսումնական հաստատությունների դասախոսների, ուսանողների և ղեկավարության համար: Այն քննարկվել է ութ առաջատար համալսարանների դասախոսներից, ղեկավարությունից և ուսանողներից կազմված ֆոկուսային խմբերում:
- ▶ ՀՀ կրթության և գիտության նախարարության և քաղաքացիական հասարակության ներկայացուցիչների մասնակցությամբ մշակվել է երեք գործիքակազմ: Գործիքակազմերը ընդգրկում են հաշվետվողականության և գնահատման նմուշներ համալսարանների դասախոսների, ուսանողների և ղեկավարության համար: Գործիքակազմերի նպատակն է բարձրագույն հաստատությունների կառավարման համակարգի, մարդկային ռեսուրսների կառավարման, ուսանողների գնահատման և ուսումնական ծրագրերի թափանցիկության և հաշվետվողականության ապահովումը, ինչպես նաև հնարավորություն տալով ուսանողներին և դասախոսներին «ահագանգել» կոռուպցիայի կամ այլ իրավախախտ վարքագծի վերաբերյալ կասկածների դեպքում:
- ▶ Հայաստանի կրթության և գիտության նախարարության կողմից հաստատվելուց անմիջապես հետո այս նորմատիվ չափանիշները և գործիքակազմերը կառաջարկվեն Հայաստանի ԲՈՒՀ-երին:

Ընտրությունների ընտրությունների գործընկերներին	վերաբերյալ ոլորտում	երկարաժամկետ ներգրավված	աջակցություն հայաստանյան
--	------------------------	----------------------------	-----------------------------

### 1-ին բաղադրիչ

Ծրագիրն իրականացվում է 2015թ. հունվարից մինչև 2017թ. դեկտեմբեր: Ծրագրի ընդհանուր բյուջեն կազմում է 95,000 եվրո: ([մանրամասն](#))

- ▶ Հայաստանի նոր Ընտրական օրենսգրքի վերաբերյալ [երկու համատեղ կարծիք](#) են տրամադրվել Եվրոպայի խորհրդի Վենետիկի հանձնաժողովի և ԵԱՀԿ/ԺՀՄԻԳ-ի կողմից: Ըստ 2016թ. հուլիսին ընդունված [2-րդ կարծիքի](#)՝ 2016թ. հունիսին փոփոխված Ընտրական օրենսգրքը ներառում է նախկին առաջարկների զգալի քանակ:

### 2-րդ բաղադրիչ

Ծրագիրն իրականացվում է 2016թ. հունվարից մինչև 2017թ. հունիս: Ծրագրի բյուջեն կազմում է 302,139 եվրո:

- ▶ Իրականացվել է Կենտրոնական ընտրական հանձնաժողովի (ԿԸՀ) ուսուցման ծրագրերի գնահատում, և ԿԸՀ-ին առաջարկներ են տրվել դրանց բարելավման համար:
- ▶ Աշխատել ենք ԿԸՀ-ի հետ՝ մշակելու վերջինիս հաղորդակցության ռազմավարությունը

և գործունեության աշխատանքային պլանը:

- ▶ 2016թ. հունիսի 9-10-ը տեղական դիտորդական կազմակերպությունների համար կազմակերպվել է սեմինար նոր ընտրական օրենսգրքի վերաբերյալ:
- ▶ Ավելի քան 70 կին համայնքի ղեկավար, ավագանու անդամ և քաղաքականորեն ակտիվ կին մասնակցել են «Կանանց օրակարգը 2016թ. տեղական ընտրություններում» համագային համաժողովին, որի նպատակն էր խրախուսել նրանց ընտրություններում առաջադրվել որպես թեկնածուներ: Եվրոպայի խորհուրդն օժանդակել է այս միջոցառմանը:
- ▶ Հինգ սեմինար և հինգ լիդերության դպրոց են կազմակերպվել Հայաստանի հինգ շրջանների մոտ 80 քաղաքականորեն ակտիվ կանանց համար՝ պատրաստելու նրանց մասնակցելու տեղական ընտրություններին որպես թեկնածուներ:
- ▶ Հիսուն լրագրողի համար կազմակերպվել է երկու դասընթաց ընտրությունների ժամանակ լրագրողների իրավունքների և պարտականությունների, ընտրակեղծիքի բացահայտման և անկախ լրատվության վերաբերյալ:
- ▶ Մոտ 200 դիտորդ են վերապատրաստվել 2016թ. տեղական ընտրություններին ընդառաջ:
- ▶ Ավագ դպրոցի մոտ 220 ուսուցիչ է վերապատրաստվել ընտրական դերախաղերի անցկացման թեմայով այն դպրոցականների համար, որոնք առաջին անգամ պետք է մասնակցեն ընտրական գործընթացներին:

Լրացուցիչ տեղեկությունների համար այցելեք <http://eap-pcf-eu.coe.int>

Կոնտակտային անձ՝ Տատյանա Բանա, խոսնակ/ մամուլի պատասխանատու, [Tatiana.Baeva@coe.int](mailto:Tatiana.Baeva@coe.int), +33 (0)685 11 64 93:

հոկտեմբեր, 2016թ.